

Edizione diplomatica

bernart deuentadorn.

Eram conseillatz senhor. uos cauetz sa-
ber esen. cuna donam det samor. cai
amada longuamen. mas era sai deuertat.
quela utramic priuat. ni anc de nuill com-
panho. companha tan greus non fo.

Duna re soi en error. (et) estau empensa-
men. que maleuia ma dolor. sieu aquest
plag li consen. esai sill dic mon pensat.
ueus mon dampnatge doblat. qual quieu
fassa ho quelque no. re nopuesc far de
mon pro.

E sieu lam adezonor. auran blasme dela
gen. etenran men li pluzor. per cornut
eper sufren. esai sieu pert samistat. bem
tenh per dezeretat. damor eia dieus no
men do. mais faire uers ni chanso.

Pos uoutz soi enla folor. ben cerai fols
sieu non pren. daquetz dos mals lomen-
or. que mafis uaf mon essien. que ieu aia
enlei lameitat. quel tot perda per foud-
at. canc noui nuill drut felo. nuill te-
ms damor faire son pro.

Pos uol autramador. madona no loi
defen. elais ho mais per paor. que per
autre cauzimen. esanc hom dec auer
grat. daital seruizi forsat. ben deu au-
er guizardo. ieu que tan greu tort per-
do.

Li sieu fals hueill traidor. que mes-
gardauon tan gen. atressi gardon ail-
lor. molt ifan gran faillimen. mas deta(n)
man molt onrat. que si neron mil aius-
tat. plus engardon lai on ieu so. que
totz aicels deuiro.

De laigua que dels huells plor. escriu
salutz mais de sen. que tramet alage(n)sor.
et alaplus auinen. que mes pueis sent
uetz membrat. daiso q(ue)m fes alcomiat.





queill ui cubrir sa faiso. que nopo
dir oc ni no.

**Dona aprezent amatz autrui emi
acelat. si quieu naia tot lopro. et ei**
labela razo.

Garsio era chantat. ma chanso elam
portat. amon mesatger que fo. que
calque conseill mi do.

- letto 439 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-2064>